

古文翼

一
函
八
冊

元序

文所以載道也道備於聖賢而文莫著於六經四子書其專發乎經書之旨者則有濂洛關閩諸君子若左國史漢及唐宋諸大家世所號爲古文者似不專發經書之旨矣然抉兩間之秘奧析大道之精微文瀾壯闊法度謹嚴謂不足以羽翼經書吾不信也 國家以制藝取士煌煌

諭旨令士子一趨於雅正清醇殆欲羽翼經書昭明大道而不流於詭異怪僻也夫時文自明迄今名公鉅卿以是擅場者不可勝數原其得力類皆澤乎古故其文閎中肆外疏石

流逸而可傳於久遠今之庸下者舍古驚今徒以膚詞蔓語
填砌滿紙觀者厭之高明之士又別爲變格變調攙入諸子
佛經之語以駭人耳目嗚呼此不特陰背經書顯違大道不
且與雅正清醇煌煌之

論旨大相刺謬乎哉余幼時入塾讀坊刻古文若可愛而意
猶未滿竊與昆季取左國史漢及唐宋諸大家文日錄其一
補讀之倍於前數頓覺神思開朗不復拘滯及壯彙前後所
誦習參以選家之評註間附己見莊錄成編以訓諸子及門
期於卒讀而止由是搦管不復拘滯無異余之曩時而後知

古文之爲功不小也去年春客有過余者曰古文之選多者
苦其繁少者病其簡惟子所錄斟酌得中苟梓以公世家置
一編以鼓吹休明一返乎雅正清醇其嘉惠來學不亦多乎
余不能辭因出前編與諸子再爲校讎名之以翼以付剞劂
非敢云選也於以示羽翼經書之意或於大道不無少補云
爾玉峯唐德宜介軒氏識

重訂古文翼例言

一是編始左氏傳迄歷朝文卷帙次第悉依元本其自序一篇凡例十則仍列簡端不忘其朔也

一元編國策選中范雎說秦王魯連遺燕將書樂毅報燕王書荆軻刺秦王數篇皆從史記本漢書選中賈誼過秦論鄒陽上梁王書司馬相如諭巴蜀檄難蜀父老太史公報任安書數篇皆從文選本似於體例未符今各改從元書惟鄒陽上梁王書太史公報任安書二篇與漢書異同較甚而塾中傳誦已久難遽違時好故仍依文選校定移置

歷朝文選中亦不得已之苦心也閱者諒之

一漢書特多古字後來選家因其不便佔畢輒易以今文然後學於古人書訓詁之可也竄改之不可也茲刻存其本來面目而以今文註明其下庶不貽蔑古之譏亦不蹈好奇之弊

一現行古文選本未必皆從全書錄出故字句頗有歧誤增損處是刻悉取元書校核以昭畫一其舊注及音釋有未協者亦概行更正不致迷謬後學

一元選旁批總評俱極簡當今悉仍之不敢妄有竄易

一 卷中文既多夾注旁批復加以圈點繁密則行間不得清
整今凡聯圈處以雙圈別之明句讀便初學也

一 卷中字畫俱從正體不致攔入俗書

一 是編決擇精審於古文不過全鼎一鑊中材便於記誦資
性稍優者原不以此限之況唐宋名文外若元明兩朝作
者輩出亦難槩從割棄擬另輯補編以備觀覽或亦大雅
所不訾爾

凡例

一古文垂後無非羽翼經書學者熟此非獨有裨時藝更足
增長器識但卷帙繁多豈能兼收博採茲擇其尤者彙爲
八卷以便黨塾殊多割愛也

一左傳闡發春秋其文精妙入神而晉楚齊秦諸大戰尤關
時會故採錄獨多至於有經文者則遵經文爲題無經文
者則於傳之起結處括句爲題不敢妄加標目以離經意
仍從賞音於某公某年下增一傳字爲別焉若公羊穀梁
章句字法別出手眼意境生新亦節取數首附後

一國語補傳所未備簡質婉勁可昭法戒故卽次三傳後至國策縱橫馳驟語多滑稽然足開拓學者心胸且切中事機有關國勢存亡者正復不少故不嫌多錄

一史記擅勝尤在本紀世家列傳諸長篇若僅錄贊語學者未窺史筆之妙但全載難以卒讀而刪削殊傷割裂今於全篇畧節數段或於題目下或於白文後疏明始末俾讀者展卷瞭然亦有特錄一二事與本傳不相關照似可另標一目而仍書本傳者勿忘其自也

一漢文董醇賈茂美備西京今集中所載具在前漢書內故

名仍之至東漢文率多華瞻體格似遜西京茲從後漢書
節錄數首彙爲一帙而以蜀漢文附焉

一唐大家韓昌黎集昌明博大實文中之聖特爲多錄柳州
次之宋文以歐公爲最故所選亦倍於他本三蘇次之如
曾如王各臻其妙畧登數首已足以窺全豹矣

一左國史漢唐宋入大家各編成帙外尚有歷代名文或清
遠閒曠或藻績駢麗久已膾炙人口學者讀此亦足含英
咀華故另編於卷末訖宋而止至檀弓已入禮記莊騷別
具體裁茲不列載

一前輩選本俱各擅勝但註釋批評未能具備茲則彙諸家而參合之小註取其簡括旁批務必醒切總評要歸精當間附一二鄙見並非掠人之美正不敢自炫已長也

一集中疑難字音釋宜詳無畧但一篇內重出疊見畱註反爲礙目願讀者舉一以例其餘至於四聲韻讀人所共曉者俱用小圈字旁以分平上去入卽註中亦必備焉

一編只爲家塾讀本非敢問世雖於音註批評及圈點句讀會費參酌其中尙有舛錯或仍前貽誤未及校正願海內君子惠而教我則幸甚幸甚

重訂古文翼小引

自來古文選本林立其閒繁簡不同取舍互異唯崑山唐介軒先生所輯古文翼約而精簡而備最爲塾課善本邇來舊版漫漶篇什闕佚讀者病諸歲丁未同人醵金重刊參酌校勘凡六閱月而後歲事夫言詞之精者謂之文昔人僅曰文而已至近世始有古文之稱別乎時文而名之也顧欲工時文無不得力於古人之文者中材之質四子書六經成誦後能卒業是編尋繹玩索而有得焉吾知彌中炳外根柢旣深枝葉自茂必能潤色宏業黼黻

昌明之治矣刻既成爲識其緣起如此昔道光二十七年五
月旣望琴川後學季福寰雄甫氏謹書

文典不野休列古人之文清中林之賢何平書六通如前
而五至沙州故有古文之辭以平知文而合之出關爲工知
諸凡六國具而於漢事夫言國之辭皆國之文皆入書曰文
則其辭雖十國將類皆然猶恐下未同人卿金惟以參酌以
師犬少誤觀古文真跡而辭雖而辭雖而辭雖而辭雖而辭雖
自來古文數本林立其間縱橫不同如舍正則無從出書
重南古文與小傳

古文翼卷之一目錄

左傳上

○鄭伯克段于鄆隱公

○周鄭交質

宋公和卒

○石碏諫寵州吁

宋公伐鄭

衛殺州吁

○公矢魚于棠

北戎侵鄭

滕薛來朝

○鄭伯人許

○取郕大鼎桓公

從王伐鄭

○楚武王侵隨

屈瑕伐羅

無知弑君

莊公

齊敗長勺

秋宋大水

齊侯使敬仲爲卿

秋入衛

閔公

盟于召陵

僖公

晉執虞公

盟于葵邱

里克殺奚齊

晉敗于韓

宋敗於泓

重耳出奔

秦納重耳

介推辭祿

狄伐鄭

齊人伐我

楚子圍宋

楚敗城濮

元咺出奔

秦晉圍鄭

晉重耳卒

秦人入滑

秦敗于殽

秦人伐晉
文公

甯俞來聘

諸侯會扈

論黜莒僕

古文選卷之一

玉峯唐德宜介軒元編

海虞後學

張承霖瑛如

錢寶汾仲孚

潘樹苑章

重校

張承寬雨薌

左傳上

姓左邱名明魯人因孔子春秋經作傳

鄭伯克段于鄆

隱公元年

初鄭武公

名彌

娶于申曰武姜

姜申姓武姜從夫諡

生莊公及其叔段

子兄也

段後奔其國故曰共叔

莊公寤生驚姜氏故名曰寤生遂惡之

寤生之難謂

武姜困絕而寤因寤而驚以其事名莊公

愛其叔段欲立之亟請于武公公弗許

及莊公即位為之請制公曰制巖邑也虢叔死焉

東虢君恃險而不修